

Dujva Dungxcaiz Bouxcuengh Hai Doh Suen

壮族才艺之花开满园

10 nyied 31 hauh banhaemh, gaiq daihngaih daengx gih siujhagseng Vahcuengh biucinj dungxcaiz biujyienj doxdax youz Swcigih Gyauyuzdingh cawjbanh, Guengjsae Swhfan Yozyen ciepbanh haenx youq Namzningz banh. Miz daengx gih Cuengh Gun song saw vah siujyoz 40 aen daiyaujdui gungh 158 boux siujhagseng camgya, doenggvaq yungh sing' yoz、siujbinj、citheiq daengj hingzsik, yungh Vahcuengh biucinj yienj dungxcaiz.

Baez dungxcaiz biujyienj neix hingzsik lai cungj, cezmuz neiyungz ndei youh moq, gig miz daegsaek minzcuz、gij yiengh moq seizdaih caeuq daegsaek hagdangz. Gyoengq siujhagseng daenj buhvaq Bouxcuengh saek rongh yiengh lai,

gagsaenq simdingh byaij hwnj daizheiq, fatyaem biucinj, gangj ndaej raeuzred, biujyienj ndei yawj ndaej daengz bingzveij caeuq yienhciegz bouxyawj bekfwngz haenhndei.

Banh baez doxdax neix, daezhawj aen daizheiq hawj hagseng Bouxcuengh yienh'ok bonjfaenh he, hawj Vahcuengh yungzhaeuj saedceij, cungfaen diuhdoengh Cuengh Gun song saw vah hagdangz lauxsae hagseng gaenxmaenx yungh Vahcuengh hag Vahcuengh, fungfouq Cuengh Gun song saw vah hagdangz ndaw hag saedceij, cauh ok heiqaenh ndei song saw vah gyauyuz, doidoengh Cuengh Gun song saw vah gyauyuz hwnghat.

(Liengz Cingz/梁晴)



▲ Gyoengq siujhagseng daenj buhvaq Bouxcuengh saek rongh hwnjdaiz biujyienj.

► Siujhagseng yungh raeuzred biucinj Vahcuengh eu fwen.



▲ Hekyouz daejniemh guh ceiz.



▲ Gwn ngaizbakranz.

Sanhgyangh: Mbanjdung Yezyej Yienj Fungcingz

三江：侗寨月也秀风情

11 nyied 1 hauh, Sanhgyangh Dungcuw Swciyen Liengzgouj Yangh Nanzcai Cunh Mbanjliengzliiz caeuq Dungzloz Yangh Mungcai Cunh banh yezyej hozdung, song mbiengj yungh guh ceiz、boq aenvenz、ngaizbakranz daengj lai cungj minzsuz hozdung gikcingz lienzvuen. Dungcuw “yezyej”, eiqsei dwg daengxcungq bae guhcaemz guhhek, dwg Dung' yangh cungj fungsug doxgyau he, mbanj Dungcuw itbuen youq ndwencieng caeuq seizhoengq cousou gvaqlaeng banh yezyej hozdung, demgya Mbanjdung vwnzva doxgyau caeuq minzcuz doxgiet.

(Gungh Bujangh/龚普康)

Ningzmingz Haiguh Fugsah Dieghenzguk Lwgnyez Louz Mbanj Gvansim Bangcoengh Hozdung

宁明开展服务边境留守儿童关爱帮扶活动

11 nyied 4 hauh, Ningzmingz Yen fulenz、yen fazyen、yen raemxdienh gunghswh daengj danhvei vih dieghenzguk Caianh Yangh Sunningz Segih “Aenranz Lwgnyez” “Lwgnyez Louz Mbanj Gvansim Camhfugsah” banh biengjbaiz yizsi, soengq eijdaiz、vanzgi demgya dungxcaiz、moegmax daengj doxgaiq hawj lwgnyez louz mbanj, vanzlij soengq daehsaw、saw rogdangz、bitmaeg daengj doxgaiq hawj 10 boux lwgnyez louz mbanj gungzhoj. Gyoengq bouxgagnyienh lij caeuq 50 lai boux lwgnyez louz mbanj youq “Aenranz Lwgnyez” guh'angq doegsaw、vehdoz、gyoeb vanzgi demgya dungxcaiz daengj. Baez hozdung neix muzdiz dwg guh ndei hong fugsah guenjieix lwgnyez louz mbanj, vanzlij doidoengh gyoengq mehmbwk dieghenzguk hag fap、rox fap, yungh faplwd henho h bonjfaenh habfap gienzik, vih gyoengq lwgnyez mehmbwk dieghenzguk soengq bae gvansim caeuq gij raeuj.

(Couh Yizgangh/周贻刚 Veiz Fangh/韦芳)



▲ Fulenz ganbu cingq son lwgnyez yawj saw gohbuji.

Yungzsuij: Aenvenz Maxdoxdik Yinx Fanh Vunz

融水：芦笙斗马引万人

11 nyied 7 hauh, bi 2015 “Cunghvaz Myauzcuz dwk doengznienz” nem gaiq daihcibhaj Cungguk • Yungzsuij Myauzcuz ciet aenvenz maxdoxdik youq Yungzsuij Myauzcuz Swciyen banh, aen ciet neix guh 3 ngoenz. Guengjsae Yungzsuij、Yinznanz Bingzbenh、Gveicouh Sunghdauz、Huznanz Mazyangz caeuq Cwngzbu

5 aen Myauzcuz swciyen Myauz、Yauz、Dung daengj saujsu minzcuz haiguh Cunghvaz Myauzcuz dwk doengznienz、aenvenz buh moq vaq moq daihcunzyouz、fanh vunz cimz bithom caeuq guh maxdoxdik doxdax daengj hozdung, yinx ndaej ndaw guk rog guk geij fanh boux hekyouz daeuj yawjngonz. (Lungz Linzci/龙林智)



▲ Daksau anga boq aenvenz.



▲ Song duz max neix doxdik doxhaeb haeng.